



# ხალგაზრდა ვეროელი

1921 წლის  
აპრილი

საზოგადოებრივ-პოლიტიკური გაზეთი

## საქართველოს პრეზიდენტის პრეზენციის წინ

საქართველოს რესპუბლიკის პრეზიდენტის არჩევნების ცენტრალურმა საარჩევნო კომისიამ 24 აპრილს გამართულ თავის სხდომაზე პრეზიდენტობის კანდიდატად რეგისტრაციაში გაატარა ზვიად გამსახურდია, ფილოლოგი, საქართველოს რესპუბლიკის პრეზიდენტი, „მრგვალი მაგიდის“ სპიკერი, საქართველოს პელსინკის კავშირისა და სრულიად საქართველოს წმინდა ილია მართლის საზოგადოების თავმჯდომარე. პოლიტიკურმა ბლოკმა „მრგვალი მაგიდა“ — თავისუფალი საქართველო“, რომელმაც დაასახელა იგი ამ თანამდებობის კანდიდატად, პირველმა წარუდგინა ცენტრალურ საარჩევნო კომისიას იმ ამომრჩეველთა სია, რომლებმაც მხარი დაუჭირეს ბატონ ზვიად გამსახურდიას. კანონის თანახმად, ამ სიის შესაბამისი შესწავლის შემდეგ კომისიამ მიიღო გადაწყვეტილება პრეზიდენტობის კანდიდატის რეგისტრაციის შესახებ.

წინა დღეს კი, 23 აპრილს, გვიან საღამოს ცენტრალურმა საარჩევნო კომისიამ დაამთავრა საქართველოს რესპუბლიკის პრეზიდენტობის კანდიდატების წარდგენის შესახებ პოლიტიკური პარტიებისაგან, საარჩევნო ბლოკებისა და ამომრჩეველთა ჯგუფებისაგან განცხადებათა მიღება. ამ თანამდებობის პრეტენდენტთა შორის კიდევ რვა კაცია. ესენი არიან:

**გიორგი უორდანიშვილი**, ინჟინერ-მეტალურგი, საქართველოს რესპუბლიკის მეცნიერებათა აკადემიის მეტალურგიის ინსტიტუტის უმცროსი მეცნიერი თანამშრომელი, საქართველოს კონსტიტუციურ-დემოკრატიული პარტიის თავმჯდომარე — საქართველოს კონსტიტუციურ-დემოკრატიული პარტიისაგან;

**როინ ლიპარტიანი**, სწავლული აგრონომი, საქართველოს რესპუბლიკის მთავრობასთან არსებული მიწათსარგებლობისა და მიწათმოქმედების მთავარ სამმართველოში არსებული სამმართველოს უფროსი, სრულიად საქართველოს მიწათმოქმედთა კავშირის თავმჯდომარე — სრულიად საქართველოს მიწათმოქმედთა კავშირისაგან;

**ჯიმა შიქელაძე**, იურისტი, საქართველოს დამოუკიდებელი კომპარტიის ცენტრალური კომიტეტის პირველი მდივანი — საქართველოს დამოუკიდებელი კომპარტიისაგან;

**ქართლოს ღარიბაშვილი**, იურისტი, საქართველოს ადვოკატთა კოლეგიის წევრი, ქ. თბილისის მთაწმინდის რაიონის იურიდიული კონსულტაციის ადვოკატი, მოძრაობის „დემოკრატიული საქართველოს“ თავმჯდომარე — ამომრჩეველთა ჯგუფისაგან;

**ვალერიან ადვამე**, ეკონომისტი, საქართველოს რესპუბლიკის ეკონომიკის სამინისტროსთან არსებული სახალხო მეურნეობის ეკონომიკის, დაგეგმვისა და მართვის სამეცნიერო-კვლევითი ინსტიტუტის დირექტორი, საქართველოს ეროვნული თანხმობისა და აღორძინების კავშირის გამგეობის თავმჯდომარე — საქართველოს ეროვნული თანხმობისა და აღორძინების კავშირისაგან;

**ნოდარ ნათაძე**, ფილოლოგი, საქართველოს რესპუბლიკის მეცნიერებათა აკადემიის ფილოსო-

ფიის ინსტიტუტის სექტორის გამგე, საქართველოს სახალხო ფრონტის გამგეობის თავმჯდომარე — საქართველოს სახალხო ფრონტის, საქართველოს რესპუბლიკური პარტიის ამომრჩეველთა ჯგუფისაგან;

**თამაზ კვაჭანტირაძე**, ფილოლოგი, ქურონალ „ბალაგარის“ მთავარი რედაქტორი, თბილისის სახელმწიფო უნივერსიტეტის კათედრის დოცენტი — საქართველოს თავისუფალ დემოკრატიულ კავშირისაგან.

საქართველოს რესპუბლიკის ყველა დასახელებულ პრეზიდენტობის კანდიდატს მინიჭებული აქვს მხარდამჭერი ამომრჩეველების სიების შეგროვების უფლება. კანონის თანახმად, ეს სიები, რომლებშიც უნდა იყოს სულ ცოტა 10 000 ამომრჩეველის ხელმოწერა, უნდა წარედგინოს ცენტრალურ საარჩევნო კომისიას პრეზიდენტობის კანდიდატების რეგისტრაციისათვის არჩევნებამდე არა უგვიანეს 23 დღისა, ესე იგი არ უგვიანეს 1991 წლის 2 მაისის 22 საათისა.

როგორც კომისიის სხდომაზე აღინიშნა, წინასწარ პატიმრობაში მყოფი ჯაბა იოსელიანის პრეზიდენტობის კანდიდატად წარდგენის შესახებ ამომრჩეველთა ჯგუფისაგან განცხადება არ ყოფილა მიღებული, რადგან იგი შემოვიდა საქართველოს რესპუბლიკის პრეზიდენტის არჩევნების შესახებ კანონში ცვლილებათა შეტანის თაობაზე უზენაესი საბჭოს მიერ მიღებული კანონის შემდეგ. ამ ცვლილებების თანახმად, არჩევნებში არ მონაწილეობენ პირები, რომელთა მიმართ სისხლისსამართლებრივ-საპროცესო კანონმდებლობით დადგენილი წესით არჩეულია აღკვეთის ღონისძიება — პატიმრობა. ამის შესაბამისად, საინიციატივო ჯგუფს, რომელმაც დაასახელა ეს კანდიდატურა, არ მიეცა მისი მხარდამჭერი ამომრჩეველების სიების შეგროვების უფლება.

სხდომაზე განიხილეს საქართველოს რესპუბლიკის პრეზიდენტის არჩევნების მომზადებასთან დაკავშირებული დაკავშირებული სხვა საკითხებიც.

საქინფორმ

## ცენტრალური საარჩევნო კომისიისაგან

საქართველოს რესპუბლიკის პრეზიდენტის არჩევნების ცენტრალურმა საარჩევნო კომისიამ 22 აპრილს დაადგინა პრეზიდენტობის კანდიდატების მხარდამჭერთა სიების შემოწმების წესი: მხარდამჭერთა სიებიდან კომისიამ შემოწმოს შემთხვევით აღებული 100 ხელმოწერა. თუ ბათილად იქნა ცნობილი 10 პროცენტზე ნაკლები ხელმოწერა, მხარდამჭერთა საერთო რიცხვს

დააკლდება იმდენივე პროცენტი, ხოლო დარჩენილი ხელმოწერები ნამდვილად ჩაითვლება. თუ ბათილად იქნა ცნობილი ასიდან 10 პროცენტი ან მეტი ხელმოწერა, შემოწმდება კიდევ 900 ხელმოწერა და მხარდამჭერთა საერთო რიცხვს დააკლდება იმდენი პროცენტი შემოწმებული 1000 ხელმოწერიდან, რამდენი პროცენტზე იქნა ცნობილი ბათილად; დარჩენილი ხელმოწერები ნამდვილად ჩაითვლება.

## სრულიად საქართველო საპროტესტო აქცია



25 აპრილს შუადღისას სამი წუთით შეაჩერეს მუშაობა საწარმოებმა, დაწყებული ზღაპრით, ტრანსპორტმა საქართველოს მთელ ტერიტორიაზე. შეწყდა მეცადინეობა რესპუბლიკის უმაღლეს სასწავლებლებში, სკოლებში. ასე აღინიშნა საერთო-რესპუბლიკური საპროტესტო აქცია, რომლის მოწყობის ინიციატორად გამოვიდა საქართველო-

ს დამოუკიდებელი პროფკავშირების კონფედერაციასთან შექმნილი საგაფიცო მოძრაობის კომიტეტი. გაფიცვა მოეწყო სამაჩაბლოდან საბჭოთა ჯარების გაყვანისათვის, ცენტრის მასობრივი ინფორმაციის საშუალებებში დეზინფორმაციის კამპანიის შეწყვეტისათვის ხალხის სამართლიანი ბრძოლის მხარდასაჭერად.

საქართველოს რესპუბლიკის პრეზიდენტმა  
დგანისის რაიონში  
პრეზენტად დანიშნა  
ლარი გუსარიონის ქა გირკვლიანი




მხარს ვუჭერთ  
კანდიდატებს...

დაიწყო ჩვენს რესპუბლიკაში საქართველოს პირველი პრეზიდენტის არჩევნების გამართვის მნი-

შენელოვანი ეტაპი. კანდიდატთა მხარდასაჭერად მიმდინარეობს ამომრჩეველთა ხელმოწერების შეგროვება. რეგისტრაციის ასეთმა ფორმამ უნდა უზრუნველყოს კანდიდატურათა დასახელების დემოკრატიულობა.

სურათებზე: რუსთაველის პროსპექტზე მიმდინარეობს ხელმოწერათა შეგროვება ბატონ ზვიად გამსახურდიას კანდიდატურის მხარდასაჭერად.

ბატონ პარჩაძის ფოტო (საქინფორმის ფოტოქრონიკა)



დღეს სრულიად  
საქართველო  
ეთხოვება  
ლეგენდარულ  
ფეხბურთელს  
მისეილ  
მესხს

გასალაბი იხ. გვ-6-7 გვ.











